

REFERAT US - Utoqqaat siunnersuisoqatigiiffiat d. 07-02-2018

Mødedato Onsdag d. 07. februar 2018 kl. 17:00

Mødested Imaneq 34

Indholdsfortegnelse

Imaqarniliaq.....	3
-------------------	---

Punkt .: Imaqarniliaq

Utoqqaat Siunnersuisooqatigiivisa, Imaneq 34, 2018-imi februaarip ulluisa arfineq-aappaanni nal. 13-15
ataatsimiinnerannit imaqarniliaq

- **Ilisimatitseqatigiittarneq**

Ingerlatsivimmi maannakkut pisortassasioqneq piaartumik naammassineqassasoq
naatsorsuutigineqarpoq.

Utoqqaat pillugit suliassa qarfirmi Fagchef Birtha Bianco atorfirminit soraarpoq februaarillu
naanerani suliunnaassalluni. Fagchefimik atorfinitsitsinissap tungaanut siunnersorti, Cecilie
Schierbeck, pisortaagallartutut ivertinneqarpoq.

Issittormiut utoqqalisarnerat pillugu ilisimatusaammuk kommune suleqataalerpoq. Qitiutillugit
ilisimatusarfigineqartut ilaat tassaapput puiguttortarneq aamma tikikkuminassutsit-
pissarsiariuminassutsit/najugaqariaatsit. Ilisimatusartut Kalaallit Nunaat tamaat ilisimatusarfigaat.
Taamaattorli Avannaani kommunit avinneqarnerisa kingorna nalorninartortaqaalaarpoq.
Nalunaarusiaq imaqarniliamut ilanngullugu nassiunneqassaaq.

Ukiuunerani rollatorersorluni ingerlanissamut unammillernartut Lorithap eqqumaffigeqquai.

Aputaajaaffigineqarnissamut tulleriarisoqarsinnaalerpoq. Innutaasut namminerisaminnik
najugaqartut sullinneqarnerusarput kommunimili sulisut innuttaasup isaariaatigoorsinnaanertik
ajornartorsuutigippassuk innuttaasoq pineqartoq aputaajaaffigineqarsinnaavoq. Tulleriarinerit
malillugit aputaajaanneqarnissamik qinnuteqaateqartarpoq aamma aputaajaaffigineqarnissamut
piumasaqaatit sukumiinerusut sullissinissamik allaaseraniipput.

Tamakku saniatigut inissiatileqatigiiffiit sorliit siulliunneqassanersut pillugit pingaarnersiukkanut
allattuiffimmik kommune tunniussaqaarpoq.

Quppersagaq ataatsimiinnermi agguanneqarpoq.

- **Utoqqaat pillugit Politikkip atuuttussanngortinneqarnerani killiffik**

Utoqqaat pillugit Politikkip atuuttussanngortinneqarnera immikkoortukkuutaanut avitaavoq,
iliuusissatut pilersaarut. Utoqqaat pillugit immikkoortoq pillugu iliuusissatut pilersaarutitut ittoq.
Utoqqaat pillugit suliassa qarfiup immikkoortuisa pingajuata atuuttussanngortinneqarnissaanut
Ingerlatsivimmi sulisorpaalussuit workshopertinneqarsimapput. Workshopernermi politikkipimi
naleqartitat annertuumik suliarineqassasut inerniliunneqarpoq. Utoqqaat pillugit politikkipimi
suliaqaqqinnermi puiguttorneq, ingerlatsiviit assigiinngitsut suleqatigiinnerat sulisullu
ataavartuunissaat qitiutinneqassasut aamma inerniliunneqarpoq.

Tassunga tunngatillugu suliassanut allattorsimaffiit innuttaasunut neqeroorutininik pitsaasumik
ataatsimoortumik takunniffiusinnaanissaat Utoqqaat pillugit Siunnersuisooqatigiit ilassutigaat.

Kisianni suliassat allattorsimaffii suli pissarsiariuminarnerusunngortinnissaat eqqarsaatigineqarsinnaavoq. Utoqqarpassuit qarasaasiakkut attaveqarsinnaanngillat aamma tamakkuninnga atuinissaminnut sungiussisimangillat. Aamma qarasaasiamik atuinermi oqaatsit aporfiusinnaasarput.

Kommunip nittartagaani innuttaasut utoqqaat ilinniartinneqartarnissaat eqqarsaatigineqarsinnaavoq. Imaluunniit nalinginnaanerusumik qarasaasiamik atuinissamik ilinniartitsineq pilersinneqarsinnaavoq.

Tamanna suliaraqalugu qanoq ingerlateqqinneqarsinnaanersoq eqqarsaatersuutigineqarpoq.

- **Utoqqaat Danmarkimut nussornerat**

Naatsorsueqqissaartarfimmit kisitsisit takutippaat inuusunnerusut aamma taamatut amerlatigisut Kalaallit Nunaannit nuuttartut.

Imminnut ikioqatigiinneq – qangali naleqartitat inuit akisussaaffiinik inissiisut; sunik tunniussaqaarsinnaavunga – pillugit oqallinnissat Utoqqaat Siunnersuisooqatigiivisa ujartorpaat.

Nussornerit pillugit qanoq iliorsinnaannginneq misigineqarpoq.

Aamma nussornerit suut pissutaanersut oqaluuserineqarput. Utoqqarnut tunngatillugu Danmarkimi pisinnaassuseq Kalaallit Nunaannut sanilliullugu pitsaanerujusoorpasippoq.

Sammisaq pillugu Utoqqaat Siunnersuisooqatigiivisa Kommunalbestyrelsimut inassuteqaateqarnissaat siunertaralugu immikkoortoq ataatsimiinnermi tullermi oqaluuserineqaqqissaq.

- **Puiguttorneq pillugu periaasissat**

Esbjerg Kommunimi puiguttortut pillugit periaasissat aallaavigalugit ataatsimiinnermi tullermi Kommuneqarfik Sermersuumi puiguttortut pillugit periaasissat qanoq isikkoqarsinnaanerat oqaluuserineqassaaq.

- **Utoqqaat pillugit suliassaqarfimmi kisitsisit (immikkoortoq aalajangersimasoq)**

Utaqquisunut allattorsimaffik nassuiaatigineqarpoq.

Innuttaasut illoqarfiup illua'tungaani inigisaminnit ungasissumi utoqqarnut inissiamik innersuunneqarsimasunut tamanna ajornakusoorsinnaasartoq oqaluuserineqarpoq.

Inissianut tikikkuminassutsit najugaqariaatsillu pingaaruteqarput. Utoqqaat najugaqarfigisaannut qanittumi neqerooruteqartoqarnissaa nalinginnaasumik pingaaruteqarpoq. Innuttaasut ilaasa pitsorluttut inunnik allanik takusaqartarnissartik nuannaarutigisarsinnaavaat, kisianni sivilisumik anorlertartillugu apisartillugulu avinngarusimalerisaarsinnaasarput.

- **Taasariaqartut allat**

innuttaasunik ataatsimiisitsinissamut tapiissutissatut kommunimut qinnuteqaateqarnissami sunik periarfissaqarnerisooq misissorneqassaaq.

Ippiarsummi siulersuisut ataatsimiinneranni Utoqqaat Siunnersuisooqatigiivisa peqataasarnissaanut periarfissat Ceciliep misissussavai.

Pilutamut pulaarnissaq aamma kissaatigineqarpoq.

Inussiarnersumik inuulluaqqusillunga

Cecilie Victoria Schierbeck
Immikkut ittumik siunnersorti